

KU KETA MADIKONI



Mi, sani kikuli, sa pili ki ku beya madikoni mwa keleke. Mi keleke ya luna yenyinyani fa i icemezi. Haina kopano ni yekana kamba sika kaufela sa kuluma madikoni ba yona, i iketela madikoni ba yona. Ya iketela mulisana wa yona, i iketela basepahali ba yona, i iketela lika kaufela ze taha ni kuzwa mwa keleke. Hakuna mutu alimuñwi yana ni bundume bwa kubulela sika, ki keleke mutumbi. Mi keleke ki bani baba tahanga ku to tusa keleke ka kubatani kwa bona, ka za bulishumi za bona ni linubu, bao ki bona kamita babana ni tumelelo ya kubulela sika mwa ku keta zecwalo.

² Mi Ni bata ku itumela kwa sikwata sa madikoni ba ba zwile fateni, mi Ni bulela cwalo kuzwa kwanu kwa keleke kaufela. Haiba mizwale bani bateni mo, yanali Muzwale Cox, Muzwale Fleeman, ni Muzwale Higginbotham ni Muzwale Deitzman, ba lufile sebelezo yende, bafile Mulena, mwa tabernakele ye.

³ Mi ka nako kaufela, kuya milao ya keleke, mwaha ni mwaha, madikoni kamba basepahali ba beiwa mwa nako yabona. Mi haiba ba bata kukuta, ku lukile. Haiba ha ba lati kukuta, kona kuli bakona kubeya babañwi mwa libaka za bona, kuli katengo ka ka zwile fateni.

⁴ Mi busihu bobuñwi Ne ni bizize sikwata sa basepahali, kakuli kuna ni sikwata sesinca sa basepahali. Ni boni Muzwale Luther McDowell mo busihu cwana, li tabile ku mubona mwahali, ya na banga sapili mwa katengo ka basepahali. Niile kwani biki ye ku yo buza ni kutatuba ka za kuba ni pampili ye ka fotokopiwa, ze ka tiswa kwa keleke, hape. Kuli basepahali ba keleke cwale ki Muzwale William Morgan, Muzwale Mike Egan, ni Muzwale Banks Wood, ni Muzwale Roy Roberson. Mi kaufela bona ki ba muleneñi wo, kwanda Muzwale Roberson yapila mwahala litolopo zepeli. Mulena u boni handende ka kulikana mwa baana bani, mi babile baana ba ba kutekeha, mi cwale ba amuhezi musebezi kakuba basepahali ba keleke ye.

⁵ Mi cwale mukopano wo hane u sweli kuezahala, mi ba bulelela ki mulisana wa mubakweli kuli luna, lu kete katengo kakanca ka madikoni, kuli ba ba sebelize ka nako yabona ni—ni kutuhela musebezi, mi ne kuswanela kuketa madikoni babañwi. Cwale, keleke. . . Taba ye mo i ezezwa, kicwana, katengo ka kona kuketa madikoni, muuna ye ba itibela hande ni kufumana kuli wa swanela kuba muuna ya sepahala.

⁶ Ofisi ya dikoni ki ofisi yetuna hahulu, mi ki ye kutekeha luli ku Mulena ka kuba dikoni mwa keleke. Mi kacwalo, mwa mukopano busihu bobuñwi, muuna yomuñwi na bizizwe kuna. Mi cwale ha ni kopana ni mulisana, ye tatama. . . la Bufaifi

lelifitile le, ye ne lumelelani ki muuna yo kuli ba neli baana baba kutekeha ni baana baba sepahala.

7 Mutangana alimuñwi yo ne ba fumani, na sa swaneli luli (isiñi kuli ne si mutu ya swanela), ki alimuñwi ya na ketilwe ki alimuñwi wa baana baba sepahala ba katengo ka luna ka basepahali. Kono mulisana ni Na hane lutile hamoho, mi Na buza lilimo za mucaha yani, nali mwa lilimo ze mashumi amabeli. Ya kutekeha, ya lukile, mi ki muuna sakata, kono lwa fumana kuli na li likwasha. Biblele i tokwa dikoni kuli abe muuna ya nyezi. U lukela kuba muuna wa musali alimuñwi.

8 Mi cwale mutu yomuñwi yanali muuna ya kutekeha, na swanela hande fa musebezi mi na ka ba muuna ya ikutekile, sina muzwale ha na mu supile. Mi kasamulaho wa ku batisisa taba, kuli muzwale na sa zo taha fela cwanoñu nyana mwa Tumelo ye, musala hae na si mulumeli wa Yona. Mi seo sa paleliswa muuna yani kuba mwa ofisi. Kakuli u swanela kubeya lubais lwa hae kaufela mwa likute, ba swanela kuba hape mwa Tumelo, kakuli ikona kuba kangisano.

9 Mi lusweli kuyaha cwale, mi lu lakaza kutomahanya keleke ye. Mi kakuba mutoneli yomutuna wa keleke, Ni lukela kubona kuli i bulukiwa, ka Mañolo, lika kaufela liine hande fa Linzwi.

10 Mi kacwalo he, cwale, li fumanehile ka swanelo ni sikwata sa baeteleli ni mulisana, ni mutoneli, ku keta mwa sikwata sa batu se mo baana babañwi bao lu nahana kuli ba swanela mi ba lukile. Lukona fela kuba tisa. Mi ki, konakuli, ba ketilwe ki keleke, ka boti ba bona luli. Mi kipeto baana ba ba ka sebeza, haiba baikutwa kuli ba ka amuhela ofisi ye. Mi baka taha fa nako yekuswani, kubona haiba ba ikutwa kuli mwendi Mulimu u ba bizize. Mi haiba kasamulaho, ha ba ikutwa kuli ha ba swaneli, kipeto, bana ni tukelo mwa lisunda nyana zetaha bakona ku tuhela ofisi ye, kuli mutu yomuñwi akone ku supywa mwa sibaka sa bona.

11 Konohe, kwa makalelo a ancafazo kuli (haiba Mulimu alata) Ni bata ku ba ni ona mwa tabernakele mo Ni sa feza fela pumulo, mi Ni—mi Ni. . . luka beya madikoni ka ku ba beya mazoho, madikoni ni mubuluki wa sikwama mwa keleke ye. Kono pili ba lukela ku supywa ni—ni kubona mo ba latela musebezi ni mo kopano i li tabelela. Mi haiba ki—mi haiba ku lukile kwa maneku kaufela, kona lu ka to beya mazoho fa baana ba kuli ba be madikoni tenyene, inge fela Basepahali mo ba ketelwa ka nzila yeswana.

12 Kona buicemeli ni mulao wa keleke, ka Linzwi la Mulimu. Kabakaleo, kuli, habakoni fela kubulela kuli “Ni sepa kuli muuna yo wakona kuba muuna ya lukela,” zeo ha ki zona, “Muzwale Neville unahana kuli muuna yo ukona kuba muuna ya lukela,” kamba “katengo ka basepahali ka nahana kuli muuna yo ukaba muuna ya lukela.” Ina ni kuba ka keleke! Hakuna ya

ikezeza mwa latela fela mwahali mo. Ki keto ya keleke. Ki keleke ye icemezi.

¹³ Milao yelu busa yapili ne i sinyehile ka muunda wa 1937. Lu bile ni mapampili asili ayona, mi aka pahekwa fa limota cwanoñu, misebezi ya basepahali, madikoni, ba buluki ba sikwama, ni babañwi cwalo, mulisana, babakweli bahae, ni babañwi cwalo.

¹⁴ Ka muhau wa Mulimu, se li bulezwi ku na, mi ki boti yesina ya i hanyeza kuya ka katengo ka keleke ye, Kuli ba fumani Muzwale Hollin Hickerson ku ba ya lukela, ki muuna ya kutekeha, ni ka mayemo a ku amuhela li—li likute le lituna la kuba dikoni wa tabernakele ye bulelwa ye.

¹⁵ Hape, lu se lu fumani, mi ni ka boti ya katengo, kuli Muzwale Collins u fumanwi kuba ya kutekeha mi ki mutu ya lukile. Ka kuba mukutazi, yena kasibili, kabakaleo lu ka mu kupa kuli atahe mi abe—abe dikoni wa keleke; mi ha ki dikoni fela, kono abe mutusi wa Muzwale Neville, mi mwendi ni kwa sitopa sa sikolo sa la Sunda, kamba kunga sibaka sa Muzwale Neville, kamba kaufela sa ka kupiwa kuli a be mukwali wa teñi ku Muzwale Neville. Yo ki Muzwale Collins.

¹⁶ Mi, hape, keleke ifumani, handende, kuli Muzwale Tony Zabel, kuba mutu ya kutekeha mi ulukile, mi ubile ya sephala fapila katengo ka basepahali ni balisana, ku mu kupa kuli a amuhele ofisi ya bu dikoni mwa tabernakele ye bulelwa ye.

¹⁷ Mi hape ku buzizwe, mi kwa fumanehile muuna ya kutekeha mwahala luna... (Isiñi...bao ha ki bona fela batu baba kutekeha, cwale, kono ki baba ketilwe feela ki ba katengo.) Muzwale Taylor yazwa kwa Henryville, kamba Memphis, Na sepa ki kona, Memphis, Indiana. U bile ni luna fa nako nyana, kusebeza inge yabonisa batu fa kuina ni kaufela za na kona. Kuli keleke ifumani kushemubiwa ni yena, kamba katengo ni balisana, kuli na ka amuhela ona—ona ofisi yetuna ye kakuba dikoni wa tabernakele ye.

¹⁸ Mi hape ku kupilwe kuli mukwenyana Muzwale Mike Egan wa muuna, Muzwale—Muzwale Bob Harned, u ketilwe ki ba katengo ni ki mulisana, kuli a amuhele ofisi ya mubuluki wa sikwama sa tabernakele ye, ili musebezi o kutekeha, mi utokwa kuluka ni likute.

¹⁹ Ka kueza cwalo, Na sepa, mizwale baka, baba mi biza kuzwa kwanu, kuli ikaba likute lelituna ku mina. Mi ha ki seo fela, kono ki sika sa kueza.

²⁰ Ka nako ye Ni ka kupa kuli Muzwale Neville, mubakweli wa luna, kuli abale zliswanelo za dikoni. Muzwale Neville, haiba uka ibala kuzwa mwa Linzwi la Mulimu. [Muzwale Neville ubala Timotea Wapili 3:8-13—Mu.]

[Batanga ba keleke ni bona ibe baana babana ni kutwisiso, isike yaba ba milomo yemibeli, ba si ke batwaela kunwa ze kola, ba si ke ba hanelela kufuma ka ku puma;]

[Baswale kunutu ya tumelo ka lizwalo leli kenile.]

[Ni bona baswanezi ku likwa pili; mi cwale ba beiwe fa butanga bwa keleke, haiba ha ba nyazahali.]

[Ni basali ba bona ibe ba ba na ni kutwisiso, isike ya ba basebi, ba be ni buiswalo, ba sepahale mwa lika kaufela.]

[Mutanga wa keleke ibe muuna wa musali a li muñwi, ba zamaise bana ba bona ni mandu a bona hande.]

[Kakuli ba ba sweli musebezi wo hande ba ka ipumanela litulo zende, ni mata mwa tumelo ye ku Kreste Jesu.]

21 Amen. Na ka nako ye ni ka kupa baana baba bizizwe ba, kuli ba tahe fela kwa pili fa nako nyana. Mi halunze lu inamisa litho za luna fa nako nyana kwa tapelo, Ni bata kuli bona . . . Mi keleke ya ziba kuli taba ye, kuli ki kuketa kwa katengo madikoni ba mina ni mubuluki wa sikwama.

22 Mulena Jesu, ki ka mukwa wa buiswalo, ni munahano wa bumulimu ha lu taha ku Wena cwale. Lu taha ka likute la Linzwi la Hao le li Kenile Hahulu, lu taha ka kulumela kuli “Linzwi la mutu kaufela li fosahale, kono a Mulimu abe a niti.” Mi lu itumela ku Wena ka Keleke ye ya lekile Jesu ka Mali a Hae Tota amande, mi ulufile muyaho wo kuli lu lapelele kuona.

23 Mi ka kuba batoneli babatuna ba mutapi tuna wo, o Moya o Kenile ulu beile kuli lube cwalo, lu lika cwale kutisa kwa kopano ye ka likute, sikwata se si lukile sa baana se lu lumela kuba se si tezi Moya mi se si itukiselize ofisi yee. Sina ha ku bulezwi nako yeñwi ka za sikwata sa madikoni kuli, “Mubate mwahala mina, baana ba libubo lelinde mi babatezi Moya o Kenile, kuli ba swale musebezi woo, ku babalela limbelwa ni lindiala, ku bafa mashelēni ni kutokomela buino bwa keleke.” Kasamulaho mwa lilimu, kona lu sa zo bala fela liñolo tuna lani, le li susumelizwe, la Paulusi ya kenile, baba fa tomahanyo ya Mañolo a liswanelo za litulo ze cwalo.

24 Mulimu, kuteka baana baa. Mi cwale ki keto, Mulena, kakuba keleke ye icemezi, sina mubili wa Mulena Jesu, kuli ba eza za kukena. Mi . . . [Hakuna manzwi fa tepu—Mu.] . . . mi luka zamaisa siemba se sa sebelezo ka nzila ye ipitezi, ka Libizo leli lukile lani ni le li kenile la Jesu.

25 Cwale ni litho zaluna ze inami, isiñi fela litho zaluna kono ni lipilu cwalo, mi sina membala kaufela wa keleke ye, ya taha kwanu hañata ni kutusa keleke ye ka sabulishumi sa hao ni linubu, ya talimwa kuba membala wa keleke ye, ka nako yeo mulisana ni Na, lu nosi, lu tona, mutusi wa mulisana,

Muzwale Neville, ni Na lu ka tona, Ni ka kupa haiba keleke ye ifumana kuli Muzwale Taylor ku ba muuna ya lukile mi ya swanela, kuya ka kunahana kwa mina kokunde, kuli abe dikoni wa sikwata sa batu se? U bonise cwalo ka ku nanula lizoho la hao. [Muzwale Branham wa kutumana—Mu.] Ku lukile. Cwale haiba kuna ni ze shutana, nanula lizoho la hao. [Muzwale Branham wa kutumana.] Ni itumezi.

²⁶ Kana kuna ni membala neba alimuñwi wa keleke ye ya fumana. . . ni kaufela, kikuli mufumana Muzwale Hollin Hickerson ku ba muuna ya lukile mi ya sepahala, mi ili muuna ya fumanwi mwa meto a mina kuswanela kuba dikoni wa keleke ye naa? Kikuli uka paka ka kunanula lizoho la hao la bulyo. [Muzwale Branham wa kutumana—Mu.] Haiba kwa shutana, konakuli nanula lizoho la hao. [Muzwale Branham wa kutumana.]

²⁷ Kana kopano ye i fumana Muzwale Collins kuba ya swana, ali muuna ya lukile mi ya kutekeha, mi wa swanela ku ba mwa musebezi wa dikoni wa keleke ye? Nanula lizoho la hao. [Muzwale Branham wa kutumana—Mu.] Ku lukile. Ya hana, a ku nanule lizoho la hao. [Muzwale Branham wa kutumana.]

²⁸ Kana kopano ye i fumani Muzwale Tony Zabel kuba muuna ya kutekeha mi ya swanela mwa ofisi ye nji, ya kuba dikoni wa mutapi wa keleke ye kana? Nanula lizoho la hao la bulyo. [Muzwale Branham wa kutumana—Mu.] Ya hana, nanula lizoho la hao. [Muzwale Branham wa kutumana.]

²⁹ Kana kopano ye i ikutwa kuli Muzwale Harned ki muuna ya lukile mi ya lukela, ya bile ni luna fa nako nyana, kuli abe mubuluki wa sikwama, mubuluki wa sikwama sa keleke ye, kuli abulukange masheleñi a yona ni kulifa likoloti za yona? Haiba ku cwalo, nanula lizoho la hao la bulyo. [Muzwale Branham wa kutumana—Mu.] Kana kuna ni shutano ni yekana, nanula lizoho la hao la bulyo. [Muzwale Branham wa kutumana.]

³⁰ Ni lakaza ku bulela kwa—kwa mizwale baba yemi ka nako ya cwale ye, kwa mahutu a sifapano se, kuli keleke ye, ka lipesenti ze mwanda (kusina kushutana ni hanyinyani), i mi fumani kuli mina kaufela mwa swanela mwa meto a Mulimu mwa ofisi ya mi bizellize ku yona Mulimu.

³¹ Cwale, mina, sina ha ku bulezwi kuli, “Mutuhele kuli ba likiwe pili, mi mubone haiba ba tabela ofisi ye.” Mwahala lisunda nyana, Mulimu ha lata, Ni ka kuta ku to beya mazoho fa sikwata sa batu se, ku ba eza kuba baba sepa- . . . kamba madikoni ba keleke ye, ni mubuluki wa sikwama.

Halu inamiseñi litoho za luna fa nako nyana:

³² Mulena, lu tabile busihu boo kuli kuna ni mutu ya sa pila mwa lifasi yakona ku zamaya ka bumulimu fapila lifasi; tabernakele ya bumulimu cwana, ye na ni milao yetata sina ye moibezi, ikona kubotela baana ba ketalizoho kuba baeteleli

bayona, kusina neba alimuñwi ya botile ka kushutana. Lu tabile ka bona, mi lu ikutwa kuli No li ni luna ka kuba ni buiketelo bo, sikwata sa baeteleli ni balisana.

³³ Mulimu, fuyola baana baa. Mi ha ba sebezeze ofisi ye ka lipilu za bona kaufela, ka kuziba kuli i lekilwe ku bona ka teko yetuna mwa Lihalimu. Zazi leliñwi Libuka za Lihalimu ha li ka kwaliwa, mi Buka ya libupiwa za lihalimu ni mwa Buka yetuna ya Lihalimu i yo apulwa, nili mabizo a bona abe lipesenti ze mwanda fapila Mulimu ni Mupilusi ni limpi za Lihalimu kaufela, kuba ba ba swana mwa Mubuso wa Hae. Ba fuyole, Mulena, mi ha ba sebezeze ofisi ye hande. Ka Libizo la Jesu lwa itumela ku Wena ka bona. Amen.

³⁴ Ni bata fela ku mi swala mwa mazoho, Muzwale Harned, ni Muzwale Zabel, ni Muzwale Collins, Muzwale Hickerson, ni Muzwale Taylor. Ki tabo luli kuziba kuli lubile ni sebezezo ka nako ye kaufela ni batu baba kutekeha. Mulimu ami fuyole cwale. Mi lu ka mi bona kapili feela, cwanoñu fa Ni sa ba fela ni pumulo nyana, ni ka kuta, ni bone mo mu latela liofisi za mina. Ku lukile, ka boti ya bona, Ni sepa kuli neli ka lipesenti ze mwanda, kusina kushutana ni hanyinyani.

³⁵ Oh, kikuli ha mu si ka taba ku ba ni silikani ni sicaba kacenu se si kona kupila fapila Mulimu, ka bumulimu, ni kupila fapila lifasi la kacenu le mwa buino bo bucwalo? Ki nto yende.

³⁶ Mi Ni tabile hahulu ka kuziba busihu bwa kacenu kuli Nina ni lithonolo la—la kuba ni baana baa ni keleke ye kuba balikani baka. Ni tabile hahulu kuli Mulimu u ni lumelelize kuba ni silikani ni Keleke ya Hae hala lifasi kaufela. Oh, ba kendilwe mi ba hanilwe mi ba sebiwa, mi sina hane Ni bulezi kakusasana mwa liñusa laka, mwendi neli fela balubi ba sileze, kuya ka lifasi mo li ba talimelela, inge “sikwata sa bafitelezi ba tumelo,” kono Mulimu u ba talima sina bana ba Hae. Ni tabile hahulu ka seo. Hakulata hakoni ku mi bulelela kuli ki limaili zekai kufita kwa kweli. Hakulata hakoni ku mi bulelela mulao wa kweli ni linalelo zona kaufela mo li belekela. Kono kuna ni nto iliñwi ye ba ziba, ba ziba hola yene ba pepilwe sinca. Ni tabile hahulu ka bona.

³⁷ Mi sina nguli ye nyinyani ye Ni itutile, mi Ni ka tamahanya taba ye kwa basizana baka bababeli banyinyani kuli lukone ku utwisisa, kuli ibe ya luli ku luna, kuli mukone ku utwisisa taluso ya yona. Kakusasana omuñwi, kuzusa fa mumbeta. . . Nina ni basizana ba babeli. Alimuñwi wa bona ki Rebekah, mi yomuñwi wa bona ki Sarah, mi ki basizana ba banyinyani ba ba latiwa ki tate.

³⁸ Mi Nina ni mushimani yomunyinyani, Joseph. Ne ni zwa kwa Chattanooga, kuzwa mwa mukopano busihu bobuñwi, hane Ni li kwani mwa mukopano wa mafelelezo. Mi Ne nili mwa—mwa mota, inge ni zamaya ni mwanake yomuhulu, Billy. Musala hae ni Meda nebali mwa mota, ni basizana. Mi ha ne lusweli

kushetumuka cwalo, hakuna ya na bulezi manzwi fa musipili nyana. Mi ne Ni omanyize sicaba kulemaka zangana busihu bwani ka mo ne ba ezeza. Mi hakuna ya na bulezi sika. Mi Joseph yomunyinyani ataha ku to ni swala fa liheta, mi ali, “Tate, awa mu kutalize luli busihu boo!”

³⁹ Mi kakusasana cwana, hane Ni funduka ni kuya kwa mukwakwa obizwa Eighth ni Tenth Street, ni . . . kamba Penn ni Tenth, nitaluse, hakuna yana bulezi sika, musala ka ni basizana bababeli. Mi Josefa yomunyinyani a swala liheta laka hape, ki hali, “Tate, kuli, Ne ni tabezi hahulu ku kutaza kwani kakusasana cwana,” a bulela.

Se nili, “Kihande, Nina ni alimuñwi ya ni lumbanga, yani ki mwana ka.”

⁴⁰ Mi kwa taba nyana ya luna. Kakusasana omuñwi, inge luinzi mwa muzuzu, Becky yomunyinyani ataha inza mata mi, ali, a to swala lihutu laka ni ku ni beya mazoho, mi ki musizana ya latwa ki ndatahe. Mi na sweli ku ni kumbatela. Mi Sarah wa mwanana atula fa mumbeta ni pajama mi ikona kuba, kuli, a taha a mata kuba yatatama. Ki yena wa meeto a ma fubelu cwalo.

⁴¹ Becky yomunyinyani na bulela kuli, “Oh, Sarah, hakuna tuso kuli utahе, kakuli Nina ni bo Ndate kaufela ninosi. Bondate kaufela ki baka!” Mi Sarah yomunyinyani, milomo ya hae yenyinyani ya watepuka, meeto a hae amanyinyani a mafubelu ani inza itimile. Na mu kobeta sina *cwana* ni ku mu tambeka liñwele leliñwi, mi ki yo ataha ni ku to pahama fateni.

⁴² Becky una ni mautu a matelele, kacwalo akona kufita fafasi. Sarah yomunyinyani na sina mayemo, kacwalo Na beya mazoho aka ku Sarah. Sarah yomunyinyani atalimela ku Becky mi ali, “Becky, wakona kuba ni bo Ndate kaufela, kono bo Ndate ba ni sweli!”

⁴³ Mi Ni sepa kuli cwalo kona mo kuinezi fa. Lwakona ku sa ziba lituto kaufela za bulapeli ni manzwi amatuna a Sigerike, sikwata sa batu se ha si a zibi. Kono kuna ni nto iliñwi ya niti, Ni lumela kuli Jesu una ni *luna* kaufela. Amen.

Ku lukile, Muzwale Neville.



KU KETA MADIKONI LOZ58-0720E

(The Placing of Deacons)

MUKOLOKO WA MUEZEZO, MULAO NI TUTO YA KELEKE

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda manzibwana, Sikulu 20, 1958, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Kreste. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org